

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

XLV. Decretum de cultu B. Andreæ de Comitibus.

---

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

XLIV.

Statuitur ut Ruthenis ad fidei unitatem revertentibus bona sua integre reseruentur.

*Clem. XI. Conf. ed. 1704. Mar. 3. P. 4. confirmata & ampliata fuere privilegia Neophytorum quod temporalia. Et Bened. XIII. Conf. ed. 1727. Feb. 14. P. 2. Confirmatur Decretum de Hebreis declarantibus animum suscipiendi Baptisma.*

## INNOCENTIUS PAPA XIII.

*Ad futuram rei memoriam.*

Exordium a Clementia Sedis Apostolica.

Metu privationis bonorum detinebantur Rutheni, quominus ad unitatem redirent.

Preces Episcoporum cū S. R. Ecclesia unitorum; & causa praesentis Statuti.

Statutum reservandi bona legitime spectantia Ruthenis non relapsis.

**A**terni Pastoris, qui misericors, & misericordia existit, nec vult mortem peccatoris, sed ut magis convertatur, & vivat, vices, licet immeriti, in terris gerentes, iis etiam, qui a fide Christi aliquando aberrant, pietatis, & misericordiae januam reseramus, ac poenas quas juris severitas in eos statuit, Apostolica Sedis clementia moderarum, ut ejusdem sedis benignitate allecti, suis abjuratis erroribus ad Christi ovile, & pascua salutis reducantur.

**S. 1.** Cum itaque, sicut Venerabiles Fratres Archiepiscopi, & Episcopi Rutheni cum S. R. E. uniti nobis super exponi fecerunt, ipsi nil adeo Ruthenos Schismatics, quo minus ad verā, & Orthodoxa fidei unitatem revertantur, derinare, ac morari compererint, quam metum privationis, & amissionis bonorum suorum temporalium, qua ad gremium S. R. E. revertentibus ex causa schismatis, in quod delapsi fuerant, multoties etiam per vim auferri conseruerunt, & si istiusmodi poena, qua in illis partibus invluit, e medio tolleretur, ac bona temporalia ad fidei Catholice unitatem redeuntibus reseruentur, futurum sperent, ut Rutheni Schismatics facilius, libenterque schisma, ejusque errores abjiciant. Nobis propterea humiliter supplici fecerunt, ut in præmissis opportune providere de benignitate Apostolica dignaremur. Nos animarum saluti quantum cum Domino possumus consulere cupientes, ipsorumque Archiepiscoporum, & Episcoporum votis hac in re favorabiliter annuere volentes, illorumque singulares personas a quibusvis excommunicatis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt, ad effecum praesentium dumtaxat consequendum harum serie absolventes, & absolutum fore censes, hujusmodi supplicationibus inclinati, quod deinceps omnibus, & singulis Ruthenis utriusque sexus tam Laicos, quam Clericis saecularibus, & quorunvis Ordinum, & Militiarum Regularibus cuiuscumque status, gradus, Ordinis, vel conditionis existant, etiam Pontificali, aut alia quacumque Ecclesiastica, vel mundana dignitate fulgent, qui schismatis, ejusque erroribus abjuratis, ad ejusdem S. Romanæ, & Universalis Ecclesiae unitatem sincero corde revertentur (dummodo tamen relapsi non fuerint) bona, res, jura, & actiones tam active, quam passive, qua ad eos etiam ante tempus, at tempore eorum lapsi in schismate, & errores hujusmodi quomodolibet legitime spectabant, seu spectare, eis competere poterant, integre referuentur, ac reservata, & reservata esse intelligentur, ita quod post suam reversionem ad ejusdem Ecclesiae communionem illa retinere, illisque frui, & potiri libere, & licite possint, nullusque eos desuper ex causa schismatis molestare, vel perturbare, iisque damnum, vel minimum præjudicium adferre audeat, seu præsumat, auctoritate Apostolica tenore præsentium statuimus, & declaramus.

Dat. 10 Febr. 1724. An. 3.

**S. 2.** Decernentes easdem præsentes Literas firmas, validas, & efficaces existere, & fore, suoſque plenarios, & integrō effectus fortiori, & obtinere, ac illis, ad quos spectat, & pro tempore spectabit in futurum plenissime suffragari, & ab eis respective inviolabiliter obſervari; sicut in præmissis per quoscumque Judices Ordinarios, & Delegatos, etiam Caſuarum Palatii Apostolici Auditores & dictæ Sedis Nunçios judicari, & definiri debere; ac irritum, & inane, si secus super his a quoquā quavis auctoritate scienter, vel ignoranter contigerit attentari.

**S. 3.** Non obstantibus præmissis, ac quibusvis Apostolicis, ac in Synodalibus, Provinciaibus, & Universalibus Concilis editis specialibus, vel generalibus Constitutionibus, & Ordinationibus; legibus quoque Imperialibus, & Municipalibus, ac consuetudinibus, etiam immemorabilibus, ceterisque contrariis quibuscumque.

Datum Romæ apud Sanctam Mariam Majorem sub Annulo Pifatoris die X. Februario MDCCXXIV. Pontificatus Noſtri Anno Tertio.

Confirmatur Decretum Congregationis Rituum de cultu immemorabili B. Andreæ de Comitibus.

*Clem. XI. Conf. ed. 1713. Sep. 12. P. 13. confirmatum fuit huic simile Decretum pro B. Gregorio. Et Bened. XIII. Conf. ed. 1724. Jun. 4. P. 1. promulgatur Canonizatio Beati Joannis a Capistrano.*

## INNOCENTIUS PAPA XIII.

*Ad perpetuam rei memoriam.*

**A**postolice servitutis officium, quod inscrutabilis divina sapientia, atque bonitatis altitudo humiliati, atque infirmitati nostra credere dignata est, ad specialem fidelium aedificationem salubriter exequi, adspirante superni favoris auxilio, jugiter fatigantes, servorum Dei, qui, despœta facili vanitate, jugum Domini in sancta humilitate assumferunt, & virtutum omnium præſidio muniti, decurso feliciter mortalis vita stadio, immarcescibilem gloriae coronam in Cælis accipere meruerunt, cultum, & venerationem in terris libenter promovemus, sicut Dei gloriae, populorumque pietati convire conspicimus.

**S. 1.** Cum itaque alias ad relationem Venerabilis Fratris Noſtri Fabritii Episcopi Albanen. S. R. E. Cardinalis Pauli nuncupati commissio introductionis causæ Beatificationis, & Canonizationis Venerabilis Servi Dei Andreæ de Comitibus Beati nuncupati Sacerdotis professi Ordinis Minorum Sancti Francisci in Congregatione Venerabilium Fratrum Noſtrorum ejusdem S. R. E. Cardinalium sacris Ritibus præpositorum habita die 25. Septembris proxime præteriti, admissa, & a Nobis postmodum signata fuisset; subinde vero instantे dilecto Filio Joanne Baptista Lamberto de Aſte Fratre expreſſe professo Ordinis Minorum ejusdem Sancti Francisci Conventualium nuncupatorum in sacra Theologia Magistro hujusmodi cauſa Postulatore Procesſus in Curia Episcopali Anagnia super cultu ab immemorabili tempore ipſi Beato præſbito, five ſuper caſu excepto a Decretis felicis record. Urbani Papæ VIII. Prædecessoris Noſtri in Congregatione Sancte Inquisitionis editis, auctoritate ordinaria conſtructus, in quo Venerabilis Frater Joannes Baptista Episcopus Anagni, ſententiam ſuper prædicto cultu protule-

Dat. 15. Febr. 1724. An. 3.

Procedium promovendo cultu Servorum Dei.

Decreto prædicto Congregationis confirmata fuit ſententia Episcopi Anagni de d. cultu immemorabili.

rat

rat in eadem Congregatione Cardinalium die 11. Decembbris novissime elaphi, examinatus, simulque a dicto Fabritio Episcopo, & Cardinale propositum fuerit dubium -- An sententia predicti Joannis Baptista Episcopi Anagnini, lata super casu excepto a Decretis ipsius Urbani Prædecessoris, sive super cultu publico, ab immemorabili tempore dicto Beato Præfato, esset confirmanda in casu, & ad effectum, de quo agebatur; auditioque desuper tam in voce, quam in scriptis dilecto Filio Magistro Prospero Lambertini in utraque Signatura nostra Referendario, ac Fidei Promotore, necnon omnibus in narrato casu excepto diligenter examinatis, ac mature discussis, memorata Congregatio Cardinalium rescribendum censuerit affirmative. Hinc est quod Nos piis, atque enixis ejusdem Joannis Baptista votis hac in re, quantum cum Domino possumus, favorabiliter annuere, eumque specialibus favoribus, & gratis prosequi volentes, & a quibusvis excommunicationis, suspensionis, & interdicti, aliquis Ecclesiasticis sententiis, censuris, & pœnis a jure, vel ab homine quavis occasione, vel causa latissimis, si quibus quomodo libet innodatus existit, ad effectum præsentium dumtaxat consequendum, harum serie absolventes, & absolutum fore censentes, suppliacionibus ejus nomine Nobis super hoc humiliter porrectis inclinati, Decretum a memorata Cardinalium Congregatione editum, ut præferatur, quod scilicet de casu excepto a Decretis Pontificatus Nostri Anno Tertio.

Preces Pa-  
tris Magistri  
Conventua-  
lis Postula-  
toris.Confirmatio  
præfati De-  
creti.

prædicti Urbani Prædecessoris, sive de cultu publico ab immemorabili tempore dicto Beato Andrea præfato constet, auctoritate Apostolica, tenore præsentium confirmamus, & approbamus, illique Apostolicae firmitatis robur adjicimus; salva tamen semper in præmissis auctoritate Congregationis eorumdem Cardinalium.

§. 2. Decernentes esdem præsentes literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos sp̄ciat, & spectabit in futurum, plenissime suffragari, & ab eis respective inviolabiliter observari; sicutque in præmissis per quocumque Judices Ordinarios & Delegatos, etiam Cauſarum Palatii Apostolici Auditores judicari, & definiti debere; ac irritum, & inane, si fecis super his a quoquam quavis auctoritate scienter, vel ignoranter contigerit attenari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 4. Volumus autem, ut ipsarum literarum transumptis, etiam impressis manu alicuius Notarii publici subscriptis, & sigillo Personæ in Ecclesiastica dignitate constituta munitis, eadem profus fides ubique locorum tam in judicio, quam extra illud habeatur, que haberetur ipsis præsentibus, si forent exhibitæ, vel ostensa.

Datum Romæ apud S. Mariam Majorem sub annulo Piscatoris die XV. Februarii MDCCXXIV.

*Finis Constitutionum Innocentii XIII.*

